

Martin Gabriel: «Promover il dialog e far punts»

Il nov secretari general da la Lia Rumantscha Martin Gabriel entra en uffizi il fanadur 2017

CUN MARTIN GABRIEL
HA DISCURRÌ MARTIN CABALZAR

Ier ha la Lia Rumantscha preschen-tà ses nov secretari general Martin Gabriel a las medias. En in discurs cun La Quotidiana è il novelegi s'exprimì davart sia motivaziun e sias premissas da surpigiliar quest post sco era davart las sfidas principales da sia activitatad futura. Accents e prioritads da quella vul il nov secretari general dentant l'emprim anc definir ensem cun la suprastanza.

Tge ha tuttina fascinà Martin Ga-briel da s'annunziar per quest post da clav en la Rumantschia?

Martin Gabriel: Fascinant èsi primar-main da pudair esser en contact cun la populaziun rumantscha e da lavour vi da projects. Dal profil da la plazza han plidentà mai spezialmain l'abilitad da promover il dialog denter interess divergents e da far punts. Gugent hai jau era la comunicaziun, la lavour cun las medias e la tgira d'ina vasta rait da contacts. Dal reminiscent han era mia famiglia e amis e collegas animà mai da s'annunziar per quest post che munta per mai ina nova ed interessanta sfida en l'ultima decada da mia vita profes-siunala.

Contact cun la populaziun

Il secretari general da la LR frunta adina puspè tranter massa e marie ed è in post che pretenda ina tscherta direzza ed ina tscherta abilitad da supportar squitsch. Avais Vus quai?

En mias incaricas da fin quà hai adina puspè dà situaziuns da squitsch e da conflict ch'ins ha stùi surmountar. En quel connex menziunesch jau la crisa da la scola da Glion nua ch'igl è reüssi a mi ed al nov cussegli da scola da schliar in conflict virulent entaifer temp util. Era sco chanzlist d'ina gronda vischnanca èn ins disà la lavour sut squitsch e da s'occupar da dumondas persunalas magari difficilas. Jau quint che jau haja la constituziun psichica per surmountar talas situaziuns difficilas.



Vus accentuialis la cuntinuitad. Dat-ti dentant era novs temas che Vus vulaus intervegnir.

Resguardond il fatg che prest la mesdad dals Rumantschs na viva pli en il territori tradiziunal èsi necessari da tschertgar novas vias per integrar meglier la Rumantschia en la Lia Rumantscha. Ina ulteriura sfida vegn l'entira digitalisaziun da las medias ad esser. Tematicamain hai jau bain er ulteriuras ideas. Jau na vuless dentant betg tradir quellas già ussa. Quai fiss

nunprofessiunal. Ensem cun la suprastanza vuless jau definir las prioritads per la lavour futura entaifer la Lia Rumantscha.

Respect consequent da la bilinguitad

Gist en connex cun la fusiun da vi-schnancas en regiuns linguistica-main maschadadas vegn il ru-

mantsch supplementarmain sut squitsch. Tge experienzas avais Vus fatg en quest regard sco chanzlist da la vischnanca fusiunada bilinga Ilanz/Glion?

Far ils dretgs pass per ils proxims 20 onns

La vischnanca Ilanz/Glion è sa consti-tuida da 13 anteriuas vischnancas cun ina maioritad rumantscha. En quest connex essan nus vegnids confruntads cun la bilinguitad e quella sto vegnir respectada consequenta-main. En cooperaziun cun la LR avain nus elavurà ina lescha da linguas che regla l'adiever dal rumantsch. Ultra da quai ha la vischnanca Ilanz/Glion relaschà ina lescha per la pro-mozion dal rumantsch. Sco chanzlist hai jau pudi accumpagnar quest entir process ed uschia era pudi far expe-riencias che pudessan esser nizzaivlas en auters lieus. En scadin cassa ha Ilanz/Glion uss ina solida basa legala pertutgant l'applicaziun da las lin-guas, uschia ch'i na dependa betg pli da singulas personas sche quai func-ziona u betg.

Sco schurnalista e parsura da l'Agen-tura da novitads rumantscha encon-nuschais Vus era da rudent la situa-zion da las medias rumantschas. Avant tge sfidas stattan quellas ac-tualmain e co duain las medias ru-mantschas sa sviluppar en il futur?

La sfida gronda è da far ils dretgs pass, betg mo per ils proxims tschintg onns, mabain per ils proxims 20 onns. En quest connex ston ins sa du-mandar sche la gasetta stampada è anc dumandada u lavouran ins oz plitost cun apps e paginas d'internet. Ense-men cun ils purtaders da responsabla-dad, editurs e schurnalists, stuain nus ir sur ils cudeschs. La digitalisaziun vegn ad esser ina gronda sfida per ils meda da massa rumantschs.

Ils ultims onns ban ins magari l'im-preSSION che la LR saja (memia) pauc preschenta en la publicitat.

Vegn quai uss a sa midar cun in an-teriur schurnalista al timun?

Jau vegn a tschertgar tant sco pussai-vel il contact cun las medias. La lavour publica è impurtanta per ina institu-zion publica sco la LR. Decisiuns im-purtantas da la suprastanza duain ve-gnir communigadas a la publicitat. Plinavant sto la LR esser pli preschen-ta en las regiuns cun crear events, sco per exempla actualmain als campiu-nadis mundials a San Murezzan.

Crear events en las regiuns

Sin plaun politic discutan ins dapi dadiig ch'ins stuessia far ina nova instanza per dapli sustegn finanziar tant da la confederaziun sco dal chantun. Tge prioritad ha quai?

Per mai èsi anc prematurà da dir tge pass che ston vegnir fatgs per cuntascher nossas finamiras. Ensem cun la suprastanza lain nus fixar qua las prioritads.

Ils ultims onns ban las discussiuns davart idioms e rumantsch grischun absorbà e forsa era paralizà bleras forzas. Co vesu quai or en l'avegnir?

Metter ad acta il rg en scola

Quai che è evident è che la Rumantschia, sco gruppazion linguistica fitg pitschna, na po betg sa lubir e sa pre-star da sa divider en gruppas che cum-battan ina l'autra. Tenor mes avis è il tema rumantsch grischun en scola da metter ad acta. Impurtant èsi da betg far ina seconda giada ils medems sbags. La populaziun pertutgada cun-zunt en las regiuns da tschep è en quest resguard fitg sensibla e reagischa era correspondantamain. En chaussas da scola ston ins involver ad uras e pli fitg ils geniturs directamain pertu-gads. Avant che far pass malponde-rads èsi impurtant da respectar ils principiis democratis.

La Rumantschia para cuntenza

Martin Gabriel retschaiva blera bainvuglientscha sco nov secretari general

DAD ANDREAS CADONAU / ANR

Las reacziuns a l'elecziun da Martin Gabriel sco nov secretari general da la Lia Rumantscha èn er ordvart da la Sur-selva positivas. Tant l'Engiadina sco il Grischun central èn da l'avis ch'il nov secretari general saja abel da re-sguardar lur interest specific ed els attribueschan a Martin Gabriel las abi-litads comunicativas per mantegnair l'equilibrio tranter ils divers interest da la Rumantschia. Zegna Pittet encon-scha il nov secretari general nà da la lavour comunabla d'avant onns tar RTR. La presidente da la Uniun rumantscha Grischun central caracterisescha Martin Ga-briel sco persona curtaschaiva cun blera enconuschienscha da la scena rumantscha ed ina bona invista en la politica grischuna. Ella è persuadida ch'il nov se-cretari general possia manar vinavant la Lia Rumantschia entaifer la coexistenza dals divers interest da la Rumantschia. Pittet giavischia ch'il nov secretari general

possedia ina ureglia per ils interess dal Grischun central e ch'el vegnia a resguardar en sias ponderaziuns ils basegns e quitads dals Rumantschs che vivan en quel intschess. Domenic Toutsch, il presi-dent da la Pro idioms Engiadina, n'en-conuscha betg Martin Gabriel, el ha dent-ant udì il votum dal president da la an-a la radunanza da delegads da la Lia Rumantscha a Lavin ed ha pensà che quai pudessia esser la dretga persona per tegnair ensem la Rumantschia. Il presi-dent da la Pro idioms Engiadina giavischia dal nov secretari general ch'el sa tegnia vi da las decisions passadas pertu-gtant la politica da la lingua en scola e na turnia betg cun ina politica che sa drizzia sper ils basegns da la populaziun vi. Toutsch quinta cun in engaschi dal nov secretari a favor da las regiuns rumantschas e ch'el renconuschia er ils basegns da la diaspora.

Annalea Stuppan, presidente da la Uniun dals Grischs, n'aveva nagina enconuschienscha da las personas ch'en

s'interessadas per il post dal secretari general da la Lia Rumantscha. Uschia ch'ella n'è ni surprisa ni trumpada da l'elecziun da la suprastanza da la Lia. El-la ha ditg d'enconuscher Martin Gabriel nà da diversas sesidas e tegnia el per la persona adattada per surpigiliar il post dal secretari general. Ella quintia cun la preschientzha dal nov secretari en l'intschess da la Uniun dals Grischs che cumpiglia l'entira Engiadina sco era la Val Müstair e la vischnanca da Bravuogn. La presidente da la Uniun dals Grischs ha accentuà la situaziun linguistica fitg differenta entaifer quel intschess che pretendia era da chattar so-luziuns individualas.

Ed ella quintia cun il sensori dal nov secretari general per quella situaziun e ch'il contact personal na succedia betg sulettamain via telefon. La presidente da la Uniun per la litteratura rumantscha, Viola Pfeiffer, è medemamain s'exprimida positivamain vers il novelegi secreta-ri general, ha dentant concedì da na l'en-